

M I S S Æ P R O P R I Æ  
**PATRONORUM,**

<sup>ET</sup>  
**FESTORUM**

REGNI POLONIÆ.

AD NORMAM MISSALIS ROMANI  
ACCOMMODATÆ.

**FESTA DECEMBRIS.**

*Die iv. Decembris.*

**I N F E S T O**

**S. Barbaræ Virginis & Martyris.**

**Introitus. Psal. 18.**



Oquebar de testimo-  
niis tuis in conspé-  
ctu regum, & non  
confundébar: & me-  
ditábar in mandátis  
tuis, quæ diléxi nimis.

**Psal. ibid.** Beati immaculáti in via:  
qui ámbulant in lege Dómini.

**Glória Patri. Oratio.**

**D**EUS, qui inter cætera poténtiæ  
tuæ miracula, étiam in sexu frá-  
gili victóriam martyrii contulísti: con-  
cede propítius; ut, qui beátæ Bárba-  
ræ Virginis & Mátyris tuæ natalitia  
cólimus, per ejus ad te exémpa gradiámur.  
Per Dóminum nostrum JESUM  
Christum Fílium tuum: Qui tecum  
vivit & regnat in unitáte Spiritûs san-  
cti DEUS.

**Lectio libri Sapientiae. Eccl. 51.**

**C**onfitebor tibi Dómine Rex, &  
collaudábo te DEUM Salvatórem  
meum. Confitebor nómini tuo: quón-  
iam adjutor & protéctor factus es mi-  
hi, & liberásti corpus meum à perdi-  
tione, à láqueo linguæ iniquæ, & à lá-  
biis operántium mendácium, & in  
conspéctu astántium factus es mihi ad-  
jutor. Et liberásti me secúndum mul-  
titudinem misericórdiæ nóminis tui à

rugiéntibus, præparátis ad escam, de  
mánibus quæréntium ánimam meam,  
& de portis tribulatiónum, quæ cir-  
cumedérunt me: à pressúra flam-  
mæ, quæ circúmdedit me, & in médio  
ignis non sum æstuáta: de altitúdine  
ventris ínferi, & à lingua coinquináta,  
& à verbo mendácii, à rege iniquo, &  
à lingua injústa. Laudábit usque ad  
mortem ánima mea Dóminum, quón-  
iam éruis sustinéntes te, & liberas eos  
de mánibus géntium, Dómine DEUS  
noster.

**Graduale. Psalm. 44.** Dilexísti ju-  
stítiam, & odísti iniquitátem. **Ps.** Pro-  
pterea unxit te Deus, Deus tuus, óleo  
lætitiæ. **Allelúja, allelúja.**

**Ps. Ibid.** Adducéntur Regi Vírgines post  
eam, próximæ ejus afferéntur tibi in  
lætítia. **Allelúja.**

**Sequéntia sancti Evangélii secúndum  
Matthæum. Matth. 25.**

**I**N Illo témpore: Dixit JESUS discipu-  
lis suis parábolam hanc: Símile  
erit regnum coelórum decem virgíni-  
bus: quæ accipiéntes lámpades suas,  
exiérunt óbviám sponso, & sponsæ.  
Quinque autem ex eis erant fátuæ, &  
quinque prudéntes: sed quinque fá-  
tuæ accéptis lampádibus, non sum-  
psérunt óleum secum: prudéntes ve-  
rò acceperunt óleum in vasis suis cum  
lampádibus. Moram autem faciente  
sponso, dormitavérunt omnes, & dor-  
miérunt. Média autem nocte clamor



factus est: Ecce sponsus venit, exite obviam ei. Tunc surrexerunt omnes virgines illæ, & ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ extingúuntur. Respondérunt prudéntes, dicéntes: Ne fortè non sufficiat nobis, & vobis, ite potiùs ad vendéntes, & émite vobis. Dum autem irent émere, venit sponsus: & quæ parátæ erant, intravérunt cum eo ad nuptias, & clausa est jánuar. Novíssimè verò véniunt, & reliquæ virgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

**Offertorium. Psal. 44.** Afferéntur Regi virgines post eam: próximæ ejus afferéntur tibi in lætítia & exultatione: adducéntur in templum Regi Dómino.

**Secreta.**

**S**uscipe Dómine múnera, quæ in beátæ Bárbaræ Virginis & Mártiris tuæ solemnitáte deferimus, cujus nos confidimus patrocínio liberári. Per Dóminum nostrum JESUM Christum Fílium tuum: Qui tecum vivit & regnat in unitáte Spíritus sancti DEUS.

**Communio. Psal. 118.** Confundántur superbi, quia injústè iniquitatem fecérunt in me: ego autem in mandátis tuis exercébor, in tuis justificaciónibus, ut non confúndar.

**Postcommunio.**

**A**uxiliéntur nobis, Dómine, sumpta mystéria: & intercedénte beáta Bárbara Virgine & Mártire tua, sempitérna fácient protectióne gaudere. Per Dóminum nostrum JESUM Christum Fílium tuum: Qui tecum vivit & regnat in unitáte Spíritus sancti DEUS.

**FESTA FEBRUARII.**

*Die i. Februarii.*

**IN FESTO**

**S. Brigidæ Virginis.**

**Introitus.**

**Psal. 44.**



Illexisti justitiam, & odisti iniquitatem: propterea unxit te DEUS, DEUS tuus oleo lætitiæ præ consortibus tuis.

**Psal. ibid.** Eructávit cor meum verbum bonum: dico ego ópera mea Regi. **ψ.** Glória Patri.

**Oratio.**

**O**Mnípotens sempitérne Deus, qui es sanctorum glória virtutum, clementiam tuam supplices exoramus: ut per mérita beátæ Virginis tuæ Brigidæ, oportúnum tuæ pietatis auxilium sentiámus. Per Dóminum.

**Lectio** Epístolæ beáti Pauli Apóstoli ad Corínthios. **2. Cor. 10. d**

**F**ratres, Qui gloriátur, in Dómino gloriétur. Non enim qui seípsum comméndat, ille probátus est: sed quem DEUS comméndat. Utinam sustinerétis módicum quid insipientiæ meæ, sed & supportáte me. Æmulor enim vos DEI æmulatione. Despóndi enim vos uni viro virginem castam exhibére Christo.

**Graduale. Psal. 44.** Spécie tua, & pulchritúdine tua, inténde, prospere procéde, & regna. **ψ.** Propter veritatem, & mansuetúdinem, & justitiam: & dedúcet te mirabíliter dextera tua. **Allelúja, allelúja.**

**ψ.** Hæc est virgo sapiens, & una de número prudéntum. **Allelúja.**

**Post Septuagesimam omisso Allelúja, & Versu sequenti dicitur Tractus. ibid.** Audi filia, & vide, & inclína aurem tuam: quia concupívit Rex spéciem tuam. **ψ.** Vultum tuum deprecabúntur omnes dívites plebis: filiæ

regum



regum in honore tuo. *Ps.* Adducuntur Regi virgines post eam : proximæ ejus afferentur tibi. *Ps.* Afferentur in lætitia & exultatione : adducuntur in templum Regis.

**Evangelium.** Simile erit regnum coelorum decem virginibus. *ut in Communi Virginum & Martyrum. fol. xxv.*

**Offertorium.** *ibid.* Filia regum in honore tuo, astitit regina à dextris tuis in vestitu deaurato, circumdata varietate.

**Secreta.**

**M**Unera tibi Domine dicata sanctifica : & intercedente beata Brigita virgine tua, per eadem nos placatus intende. Per Dominum nostrum Jesum Christum Filium tuum : Qui tecum vivit & regnat in unitate Spiritus sancti DEUS.

**Communio.** *Matth. 25.* Quinque prudentes virgines acceperunt oleum in vasis suis cum lampadibus : media autem nocte clamor factus est, ecce sponsus venit, exite obviam Christo Domino.

**Postcommunio.**

**S**atiasti, Domine, familiam tuam muneribus sacris : ejus quaesumus semper interventione nos refove, cujus solennia celebramus. Per Dominum nostrum Jesum Christum Filium tuum : Qui tecum vivit & regnat in unitate Spiritus sancti DEUS.

*Die vi. Februarii.*

SANCTÆ DOROTHEÆ VIRG.

**& Mart. Missa.** Me expectaverunt peccatores. *in Communi Virginis & Martyris. fol. xxvi.*

*Die vii. Februarii.*

S. ROMUALDI ABBATIS.

**Missa.** Os justi meditabitur. *de Communi Abbatum. fol. xxiv.*

Pol.

**F E S T A M A R T I I.**

*Die iv. Martii.*

**I N F E S T O**

**S. Casimiri Confessoris.**

**Introitus.** *Psal. 36.*



**D**S justi meditabitur sapientiam, & lingua ejus loquetur judicium : lex DEI ejus in corde ipsius. *Psal. ibid.* Noli æmulari in malignantibus : neque zelaveris facientes iniquitatem.

*Ps.* Glória Patri.

**Oratio.**

**D**EUS, qui inter regales delicias & mundi illécebras, sanctum Casimirus virtute constantiae roborasti : quaesumus, ut ejus intercessione fideles tui terrena despiciant, & ad coelestia semper aspirent. Per Dominum.

**Si venerit in Quadragesima, cum commemoratione Feriæ.**

**Pro commemoratione S. Lucii Papæ & Martyris.**

**Oratio.**

**D**EUS, qui nos beati Lucii Martyris tui atque Pontificis annua solemnitate lætificas, concede propitius ; ut cujus natalitia colimus, de ejusdem etiam protectione gaudeamus. Per Dominum nostrum.

**Lectio libri Sapientiaë.** *Eccli. 31.*

**B**eatissimus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum ? fecit enim mirabilia in vita sua. Qui probatus est in illo, & perfectus est, erit illi gloria æterna : qui potuit transgredi, & non est transgressus ; facere mala, & non fecit. Ideo stabilita sunt bona illius in Domino, & eleemosynas illius enarrabit omnis Ecclesia Sanctorum.

**Graduale.** *Psal. 91.* Justus ut palma florebit : sicut cedrus Libani multiplicabitur in domo Domini.

A 2

*Ps.* Ad



**Y.** Ad annuntiandum manè misericordiam tuam, & veritatem tuam per noctem.

**Tractus. Psal. 11.** Beatus vir, qui timet Dñm: in mandatis ejus cupit nimis. **Y.** Potens in terra erit semen ejus: generatio rectorum benedicetur. **Y.** Glória & divitiæ in domo ejus: & justitia ejus manet in sæculum sæculi.

**Sequëntia sancti Evangelii secúndum Lucam. Lucæ 12. c.**

**I**N illo témpore: Dixit JESUS discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dñm suum quando revertatur à nuptiis; ut cum venerit, & pulsaverit, confestim aperiant ei. Beati servi illi, quos cum venerit dñus, invenerit vigilantes: amen dico vobis, quod præcinget se, & faciet illos discumbere, & transiens ministrabit illis. Et si venerit in secúnda vigília, & si in tértia vigília venerit, & ita invenerit, beati sunt servi illi. Hoc autem scitote, quóniam si sciret paterfamilias, quahora fur veniret, vigilaret úti-que, & non sineret perfodi domum suam. Et vos estote parati: quia quahora non putatis, Fílius hóminis veniet. **Credo.**

**Offertorium. Psalm. 88.** Veritas mea, & misericordia mea cum ipso: & in nómine meo exaltabitur cornu ejus.

**Secreta.**

**S**uscipe misericors DEUS hæc tuæ plebis obséquia, & coeléstia múnera expectantis petitiones propitius exaudi. Per Dñm nostrum.

**De S. Lucio. Secreta.**

**M**unera tibi, Dñmine, dicata sanctifica: & intercedente beato Lucio Mártire tuo, atque Pontífice, per eadem nos placatus inténde. Per Dñm nostrum JESUM Christum Fílium tuum.

**Communio. Matth. 24.** Beatus servus, quem, cum venerit Dñus, invenerit vigilantem: amen dico vobis, super omnia bona sua constituet eum. **Postcommunio.**

**R**efecti cibo potúque coelésti, DEUS noster, te supplices exoramus: ut in cujus hæc commemoratióne percépimus, ejus muniámur & precibus. Per Dñm nostrum.

**Pro S. Lucio. Postcommunio.**

**H**æc nos commúnio Dñmine purget à crimine: & intercedente beato Lucio Mártire tuo atque Pontífice, coeléstis remédii faciat esse consortes. Per Dñm.

*Die v. Martii.*

**I N F E S T O**

**Translationis S. Wenceslai Martyris.**

**Introitus. Psal. 63.**



Lætabitur justus in Dñmo, & sperabit in eo: & laudabuntur omnes recti corde.

**Psal. ibid.** Exaudi DEUS orationem meam cum deprecor: à timóre inimici éripe animam meam. **Y.** Glória Patri.

**Oratio.**

**D**EUS, qui beati VVenceslai nobilitatem in meliorem mutasti dignitatem, & eum per martyrii palmam ad coeléstem perduxisti glóriam: ejus precibus nos, quæsumus, ab omni adversitate libera, & æternæ beatitudinis concède perfrui glória. Per Dñm nostrum JESUM Christum.

**Lectio Epistolæ beati Petri Apóstoli.**

**1. Pet. 4. c.**

**C**haríssimi, Communicantes Christi passionibus gaudete, ut & in revelatióne glóriæ ejus gaudeatis exultantes. Si exprobrámini in nómine Christi, beati éritis: quóniam quod est honóris, glóriæ, & virtutis DEI, & qui est ejus Spíritus, super vos requi-

scit.



scit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem DEUM in isto nomine. Quoniam tempus est, ut incipiat iudicium à domo DEI. Si autem primum à nobis: qui finis eorum, qui non credunt DEI Evangelio? Et si iustus vix salvabitur, impius & peccator ubi parabunt? Itaque & hi, qui patiuntur secundum voluntatem DEI, fidelium Creatori commendent animas suas in benefactis.

**Graduale. Psal. 36.** Iustus cum ceciderit, non collidetur: quia Dominus supponit manum suam. *Ps.* Tota die miseretur, & commodat: & semen ejus in benedictione erit.

**Tractus. Psal. 111.** Beatus vir, qui timet Dominum: in mandatis ejus cupit nimis. *Ps.* Potens in terra erit semen ejus: generatio rectorum benedicetur. *Ps.* Gloria & divitiæ in domo ejus: & iustitia ejus manet in sæculum sæculi.

**Sequentia sancti Evangelii secundum Matthæum. Matth. 16.**

**I**N illo tempore: Dixit JESUS discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perderit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

**Dicitur Credo.**

**Offertorium. Psal. 20.** Posuisti Domine super caput ejus coronam de lapide pretioso: vitam petiit à te, & tribuisti ei.

Pol.

**Secreta.**

**A**ccepta sit in conspectu tuo, Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum nostrum.

**Communio. Joan. 12.** Qui mihi ministrat, me sequatur: & ubi sum ego, illic & minister meus erit.

**Postcommunio.**

**R**efecti participatione muneris sacri, quæsumus Domine DEUS noster: ut cuius exequimur cultum, intercedente beato Wenceslao Martyre tuo, sentiamus effectum. Per Dominum nostrum.

*Die x. Martii.*

**I N F E S T O**

**SS. Cyrilli & Methodii Confessorum & Pontificum.**

**Introitus. Psal. 131.**



Acerdotes tui, Domine, induant iustitiam: & sancti tui exultent: propter David servum tuum, non avertas faciem

Christi tui. **Psalms.** Memento Domine David, & omnis mansuetudinis ejus. *Ps.* Gloria Patri.

**Oratio.**

**O**Mnipotens sempiternus Deus, qui nos per beatos Pontifices & Confessores tuos Cyrillum & Methodium ad unitatem fidei Christianæ vocare dignatus es, præsta quæsumus, ut qui præsentem eorum festivitatem lætāmur, ipsorum etiam meritis gloriam consequi mereāmur æternam. Per Dominum nostrum.

**Epistola.** Plures facti sunt Sacerdotes. **ut in Comuni Confessoris Pontificis. fol. xviii.**

**Graduale. Psalm. 25.** Sacerdotes ejus induam salutari: & sancti ejus exultatione exultabunt. *Ps.* Illuc pro-

dúcā

A 3



dúcam cornu David, parávi lucérnam Christo meo.

**Tractus.** Qui séminent in lácrymis, in gáudio metent. *✠.* Euntes ibant & flebant, mitténtes sémina sua.

*✠.* Veniéntes autem vénient cum exultatióne, portántes manipulos suos.

**Evangelium.** Vigiláte, quia nescitis qua hora. *de eodem Comuni. fol. xxii.*

**Offertorium. Psalm. 67.** Mirábilis DEUS in Sanctis suis : DEUS Israël, ipse dabit virtútem & fortitúdinem plebi suæ : benedíctus DEUS.

**Secreta.**

**O** Blátis, quæsumus Dómine, placáre munéribus : & intercedéntibus sanctis tuis Cyrillo & Methódio à cunctis nos defénde periculis. Per Dóminum.

**Communio. Psal. 67.** Quod dico vobis in ténebris, dicite in lúmine, dicit Dóminus : & quod in aure auditis, prædicáte super tecta.

**Postcommunio.**

**P**raesta nobis, quæsumus Dómine, intercedéntibus sanctis Confessóribus tuis Cyrillo & Methódio, ut, quod ore contíngimus, pura mente capiámus. Per Dóminum.

**F E S T A A P R I L I S.**

*Die xxiii. Aprilis.*

**I N F E S T O**

**S. Adalberti Episcopi & Martyris, Regnique Poloniæ Patroni.**

**Introitus. Psalm. 63.**



Rotexisti me DEUS à convéntu malignántium, allelúja : à multitudíne operántium iniquitátem, allelúja, allelúja.

**Psalm. ibid.** Exáudi DEUS oratió-nem meam cum deprecor : à timóre inimíci éripe ánimam meam.

*✠.* Glória Patri.

**Oratio.**

**T**Uam nobis indulgéntiam, quæsumus Dómine, beátus Adalbértus Episcopus & Martyr implóret : ut & delícta nobis cleménter ignóscas, & beneficia desideráta concédas. Per Dóminum nostrum.

**Léctio** Epístolæ beáti Pauli Apóstoli ad Hebræos. **Hebr. 5.**

**F**Ratres, omnis Póntifex ex homínibus assúptus pro homínibus constitúitur in iis, quæ sunt ad Deum, ut offerat dona, & sacrificia pro peccátis : qui condolére possit iis, qui ignórant, & errant : quóniam & ipse circúmdatus est infirmitáte : & propterea debet, quemádmódum pro pópulo, ita étiam & pro semetípso offerre pro peccátis. Nec quisquam sumit sibi honórem, sed qui vocátur à DEO tamquam Aaron. Sic & Christus non semetípsum clarificávit, ut Póntifex fieret : sed qui locútus est ad eum : Fílius meus es tu, ego hódie génui te. Quemádmódum & in álio loco dicitur : Tu es Sacérdos in ætérnum, secúndum órduem Melchisedech.

**Allelúja, allelúja. ✠.** Surrexit Pastor bonus, qui pósuit ánimam suam pro óvibus suis, & pro grege suo mori dignátus est, allelúja. *✠.* Posuísti Dómine super caput ejus corónam de lápide pretiósó, allelúja.

**Sequéntia** sancti Evangélíi secúndum Joánnem. **Joan. 10.**

**I**N illo témpore : Dixit JESUS Pharisæis : Ego sum Pastor bonus. Bonus Pastor ánimam suam dat pro óvibus suis. Mercenárius autem, & qui non est Pastor, cujus non sunt oves própriæ, videt lupum veniéntem, & dimíttit oves, & fugit : & lupus rapit, & dispérgit oves : mercenárius autem fugit, quia mercenárius est, & non pértinet ad eum de óvibus. Ego sum Pastor bonus : & cognóscó meas, & cognóscunt me meæ. Sicut novit me



Pater, & ego agnósko Patrem: & ánimam meam pono pro óvibus meis. Et álias oves hábeo, quæ non sunt ex hoc óvili: & illas opórtet me addúcere, & vocem meam áudient, & fiet unum óvile, & unus Pastor. **Credo.**

**Offertorium. Psalm. 20.** Posuisti Dómine in cápite ejus coronam de lapide pretiósó: vitam pétii à te, & tribuisti ei. Allelúja.

**Secreta.**

**S**acrificium exhibitum, quæsumus Dómine, benignus asúme: ut, quod nómini tuo in solemnitáte beati Adalberti Mátyris tui atque Pontíficis deférimus, nobis prosit ad véniam. Per Dóminum nostrum.

**Communio. Joan. 10.** Ego sum Pastor bonus, allelúja: & cognósko oves meas, & cognóscunt me meæ, allelúja, allelúja.

**Postcommunio.**

**R**efécti Dómine munéribus sacris, súpplices te deprecámur; ut indulgéntiam tuam nobis intercéssio beati Adalberti Mátyris tui atque Pontíficis semper implóret. Per Dóminum nostrum.

**F E S T A M A J I**

*Die ii. Maji.*

**I N F E S T O**

**S. Sigismundi Regis & Martyris.**

**Introitus. Psalm. 63.**



Rotexisti me DEUS à convéntu malignántium, allelúja: à multitúdine operántium iniquitátem, allelúja, allelúja.

**Psalm. ibid.** Exáudi DEUS oratióem meam cùm deprecor à timóre inimíci éripe ánimam meam.

**Glória Patri.**

**Oratio.**

**D**EUS qui beátum Sigismúndum Regem, temporáli & ætérno diadémate cum desideráta Martyrii

coróna honoráre dignátus es: tribue quæsumus; ut, qui ejus mérita venerámur in terris, ipsius intercessióne ab ómnibus protegámur advérsis. Per Dóminum nostrum.

**Lectio libri Sapientiae. Sap. 5.**

**S**tabunt justí in magna constántia advérsus eos, qui se angustiáverunt, & qui abstulérunt labóres eórum. Vidéntes turbabúntur timóre horríbili, & mirabúntur in subitatióne insperátæ salútis, dicentes intra se, poeniténtiam ágéntes, & præangústia spíritus geméntes: Hi sunt, quos habuimus aliquándo in derísu, & in similitúdinem improperii. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios DEI, & inter Sanctos fors illórum est.

Allelúja, allelúja. **Psalm. 88.** Confitebúntur coeli mirabília tua Dómine: étenim veritátem tuam in Ecclesiá sanctórum. Allelúja.

**Psalm. 20.** Posuisti Dómine super caput ejus coronam de lapide pretiósó. Allelúja.

Sequéntia sancti Evangélíi secúndum Joánnem. **Joan. 15.**

**I**n illo témpore: Dixit JESUS discípulis suis: Ego sum vitis vera: & Pater meus agricola est. Omnem pálmitem in me non feréntem fructum, tollet eum: & omnem qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me, & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, cólligent



eum, & in ignem mittent, & ardet. Si manseritis in me, & verba mea in vobis manserint: quodcunque volueritis, petetis, & fiet vobis. **Credo.**

**Offertorium. Psalm. 88.** Confitebuntur coeli mirabilia tua Domine, & veritatem tuam in Ecclesia Sanctorum, alleluya, alleluya.

**Secreta.**

**C**oncede, quaesumus Rex aeternae: ut huius sacrificii munus oblatum, interventu sancti Sigismundi Regis & Martyris, fragilitatem nostram ab omni adversitate semper protegat & muniat. Per Dominum.

**Communio. Psalm. 36.** Laetabitur justus in Domino, & sperabit in eo, & laudabuntur omnes recti corde, alleluya, alleluya.

**Postcommunio.**

**P**urificent nos, quaesumus Rex aeternae, tua percepta Sacramenta: & intercessione beati Sigismundi Regis & Martyris tui, ab omni malo expiatis, tibi nos reddant acceptos. Per Dominum nostrum.

*Die iv. Maji.*

**I N F E S T O**

**Sancti Floriani Martyris.**

**Introitus. Psal. 63.**

**P**rotexisti me DEUS à conventu malignantium, alleluya: à multitudine operantium iniquitatem, alleluya, alleluya.

**Psalm. ibid.** Exaudi DEUS orationem meam, cum deprecor: à timore inimici eripe animam meam.

**Glória Patri.**

**Oratio.**

**D**EUS, qui nos beati Floriani Martyris tui solemnitate laetificas: concede propitius, ut cujus gloriosum triumphum veneramur in terris, focietatis ejus laetitiam adipisci mereamur in coelis. Per Dominum.

**Lectio libri Sapientiae. Sap. 5.**

**S**tabunt iusti in magna constantia adversus eos qui se angustiarunt, & qui abstulerunt labores eorum. Videntes turbabuntur timore horribili, & mirabuntur in subitatione insperatae salutis, dicentes intra se, poenitentiam agentes, & pra angustia spiritus gementes: Hi sunt, quos habuimus aliquando in derisum, & in similitudinem improperii. Nos insensatam vitam illorum aestimabamus insaniam, & finem illorum sine honore: ecce quomodo computati sunt inter filios DEI, & inter Sanctos fors illorum est.

**Alleluya, alleluya. Psal. 88.** Confitebuntur coeli mirabilia tua Domine: etenim veritatem tuam in Ecclesia sanctorum. Alleluya.

**Ps.** Pretiosa in conspectu Domini, mors Sanctorum ejus, alleluya.

**Sequentia sancti Evangelii secundum Joannem. Joan. 15.**

**I**n illo tempore: Dixit Iesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me, & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcunque volueritis: petetis, & fiet vobis. **Credo.**

**Offertorium. Psalm. 88.** Confitebuntur coeli mirabilia tua Domine, &

veri-



veritatem tuam in Ecclesia Sancto-  
rum, allelúja, allelúja.

**Secreta.**

**H**Anc oblationis Hóstiam, quæsumus omnipotens DEUS beati Floriani mártiris tui, digna commendet oratio: qui sancto charitatis tuæ devictus amore, propriam sui corporis hóstiam in odorem suavitatis tibi obtulit vivam. Per Dóminum.

**Communio. Psalm. 63.** Lætabitur justus in Dómino, & sperabit in eo: & laudabuntur omnes recti corde, allelúja, allelúja.

**Postcommunio.**

**S**ancta nos, quæsumus Dómine, Sacraménti coeléstis participatio, & ab hóstium cálido tueantur incursu: & sancto Florianó intercedente, nobis remédia salutis cónferant sempiterna. Per Dóminum nostrum.

*Die iv. Maii.*

IN FESTO

**Sancti Stanislai Episcopi & Martyris,  
Regniq̃ue Poloniæ Patroni.**

**Introitus. Psalm. 63.**



Rotexisti me DEUS à conventu malignantium, allelúja: à multitudi-  
ne operantium iniquitatem, allelúja, allelúja.

**Psalm. ibid.** Exaudi DEUS orationem meam, cum deprecor: à timóre inimici éripe animam meam.

**Glória Patri. Oratio.**

**D**EUS, pro cuius honóre gloriósus Póntifex Stanisláus gládiis impiórum occubuit: præsta quæsumus; ut omnes, qui ejus implórant auxilium, petitionis suæ salutarem consequantur effectum. Per Dóminum.

**Lectio Epístolæ beati Pauli Apóstoli ad Hebræos. Heb. 5.**

**F**Ratres, Omnis Póntifex ex hominibus assumptus, pro hominibus

constituitur in iis, quæ sunt ad DEUM. ut offerat dona, & sacrificia pro peccatis: qui condolere possit iis, qui ignorant, & errant: quóniam & ipse circumdatus est infirmitate: & propterea debet, quemadmodum pro pópulo, ita étiam & pro semetipso offerre pro peccatis. Nec quisquam sumit sibi honorem, sed qui vocatur à DEO tamquam Aaron. Sic & Christus non semetipsum clarificavit, ut Póntifex fieret: sed qui locutus est ad eum: Filius meus es tu, ego hódie genui te. Quemadmodum & in alio loco dicit: Tu es Sacerdos in ætérnum secundum ordinem Melchisedech.

**Allelúja, allelúja. V. Surréxit Pastor bonus, qui posuit animam suam pro ovibus suis, & pro grege suo mori dignatus est, allelúja. V. Psalm. 20.** Posuisti Dómine super caput ejus coronam delápide pretiósó, allelúja.

**Sequentia sancti Evangelii secundum Joánnem. Joan. 10.**

**I**n illo témpore: Dixit JESUS Pharisæis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispérgit oves: mercenarius autem fugit, quia mercenarius est, & non pertinet ad eum de ovibus. Ego sum Pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves hábeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor.

**Credo.**

**Offertorium. Psalm. 20.** Posuisti Dómine in capite ejus coronam delápide pretiósó: vitam petiit à te, & tribuisti ei. Allelúja.

**Secreta.**



**Secreta.**

**M**Unera tibi Dómine dicata sanctifica: & intercedente beato Stanisláo mártire tuo atque Pontífice, per eadem nos placatus inténde. Per Dóminum nostrum.

**Communio.** Joan. 10. Ego sum Pastor bonus, allelúja: & cognosco oves meas, & cognoscunt me meæ, allelúja, allelúja.

**Postcommunio.**

**H**æc nos commúnio, Dómine, purget à crimine: & intercedente beato Stanisláo mártire tuo atque Pontífice, coeléstis remédii fáciat esse consórtes. Per Dóminum.

## F E S T A J U N I I.

Die iii. Junii.

## I N F E S T O

**Sancti Erasmi Episcopi & Martyris.**  
**Tempore Paschali.**

**Introitus.** Psalm. 63.



Rotexisti me DEUS à conventu malignantium, allelúja: à multitudinem operantium iniquitatem, allelúja, allelúja.

**Psalm. ibid.** Exáudi DEUS orationem meam, cum deprecor: à timóre inimici éripe animam meam.

**Glória Patri.****Oratio.**

**D**EUS, cujus virtúte beátus Erásmus Martyr & Póntifex, multa tormentórum génera superávit: fac nos, quæsumus, ejus intercessióne, univérsas insídias inimicórum nostrórum visibílium & invisibílium cum gáudio superáre, & in Christo bonis opéribus abundáre. Per Dóminum.

**Epístola.** Stabunt justí, **de Comuni Mart. tempore Paschali. fol.**

Allelúja, allelúja. **Psalm. 88.** Confitebuntur coeli mirabilia tua Dómine: etenim veritatem tuam in Ecclesia sanctorum. Allelúja

**Psalm. 20.** Posuisti Dómine super caput ejus coronam de lapide pretioso. Allelúja.

**Evangelium.** Ego sum vitis vera, & Pater meus agricola est. **de eodem Comuni. fol. vii.**

**Offertorium.** Psalm. 88. Confitebuntur coeli mirabilia tua Dómine, & veritatem tuam in Ecclesia sanctorum, allelúja, allelúja.

**Secreta.**

**M**Unera tibi Dómine dicata sanctifica: & intercedente beato Erásmo mártire tuo atque Pontífice, per eadem nos placatus inténde. Per Dóminum nostrum.

**Communio.** Psalm. 63. Lætábitur justus in Dómino, & sperábit in eo: & laudabuntur omnes recti corde, allelúja, allelúja.

**Postcommunio.**

**R**efécti participatióne múnieris facri, quæsumus Dómine DEUS noster: ut cujus exequimur cultum, intercedente beato Erásmo mártire tuo atque Pontífice, sentiámus effectum. Per Dóminum.

Die iii. Junii.

## I N F E S T O

**S. Erasmi Episcopi & Martyris,**  
**post Pentecosten.**

**Introitus.****Dan. 5.**

Acerdótes DEI benedicite Dóminum: sancti & humiles corde laudate DEUM. **Psalm. ibid.** Benedicite omnia ópera Dómini Dómino: laudate & superexaltate eum in sæcula.

**Glória Patri.****Oratio.**

**D**EUS, cujus virtúte beátus Erásmus Martyr & Póntifex, multa tormentórum génera superávit: fac nos, quæsumus, ejus intercessióne, univérsas insídias inimicórum nostrórum

rum



rum visibílium & invisibílium cum gáudio superáre, & in Christo bonis opéribus abundáre. Per Dóminum.

Lectio Epístolæ beati Pauli Apóstoli ad Corínthios. 2. Cor. 1.

**F**Ratres, Benedíctus DEUS & Pater Dómini nostri JESU Christi, Pater misericordiárum, & DEUS totius consolatiónis, qui consolátur nos in omni tribulatióne nostra: ut possimus & ipsi consolári eos, qui in omni pressúra sunt, per exhortatióem, qua exhortámur & ipsi à DEO. Quóniam sicut abundant passiões Christi in nobis: ita & per Christum abundat consolatio nostra. Sive autem tribulamur pro vestra exhortatióne & salúte, sive consolámur pro vestra consolatióne, sive exhortámur pro vestra exhortatióne & salúte, quæ operátur tolerántiam earúndem passiõnum, quas & nos pátimur: ut spes nostra firma sit pro vobis: sciéntes, quòd, sicut sócii passiõnum estis, sic éritis & consolatiónis: in Christo JESU Dómino nostro.

**Graduale. Psal. 8.** Glória & honóre coronásti eum. *℣.* Et constituísti eum super ópera mánuum tuárum, Dómine. **Allelúja, allelúja.** *℣.* Hic est Sacerdos, quem coronávit Dóminus. Allelúja.

Sequéntia sancti Evangélíi secúndum Matthæum. **Matth. 16. d.**

**I**N illo témpore: Dixit JESUS discipulis suis: Si quis vult post me venire, ábneget semetípsum, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómini, si mundum univérsum lucrétur, ánimæ verò suæ detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum

Angelis suis: & tunc reddet unicuique secúndum ópera ejus.

**Offertorium. Psal. 88.** Invéni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. **Secreta.**

**M**Unera tibi Dómine dicáta sanctífica: & intercedénte beáto Erásmo mártire tuo atque Pontífice, per éadem nos placátus inténde. Per Dóminum nostrum.

**Communio. Psal. 20.** Posuísti Dómine in cápite ejus coronam de lápide pretiósó. **Postcommunio.**

**R**efécti participatióne múnere sacri, quæsumus Dómine DEUS noster: ut cujus exéquimur cultum, intercedénte beáto Erásmo mártire tuo atque Pontífice, sentiámus efféctum. Per Dóminum nostrum.

## FESTA JULII

Die xiii. Julii.

### IN FESTO

S. Margaritæ Virginis & Martyris. Missa. Me expectavérunt. de Comuni Virginum & Martyrum. fol. xxvi.

Die xv. Julii.

### IN FESTO

Divisionis Sanctorum Apostolorum.

Introitus. Psal. 138.



Ihi autem nimis honoráti sunt amíci tui DEUS, nimis confortátus est principátus eórum.

**Psal. ibid.** Dómine probásti me, & cognovísti me: tu cognovísti sessiõnem meam, & resurrectiõnem meam. *℣.* Glória Patri.

**Oratio.**

**D**EUS, qui Ecclesiám tuam distribútam per orbem terrárum, sanctorum Apostolorum prædicatió-

ne



ne fundásti : concéde propítius , ut quorum hodiérna die sub una celebri-  
táte recólimus insígnia , eórum in cun-  
ctis necessitatibus nostris experiámur  
suffrágia. Per Dóminum.

**Léctio** Epístolæ beáti Pauli Apóstoli  
ad Ephésios. **Ephes. 2. d**

**F**Ratres, Jam non estis hóspites, &  
ádvenæ : sed estis cives sanctó-  
rum, & Doméstici DEI: superædificáti  
super fundaméntum Apostolorum, &  
Prophetárum, ipso summo angulári  
lápide Christo JESU: in quo omnis æ-  
dificatio constrúcta crescit in templum  
sanctum in Dómino, in quo & vos co-  
ædificámini in habitáculum DEI in  
Spíritu sancto.

**Graduale. Psalm. 44.** Constitues  
eos príncipes super omnem terram :  
mémores erunt nóminis tui Dómine.  
**✠.** Pro pátribus tuis nati sunt tibi filii :  
propterea pópuli confitebúntur tibi.  
**Allelúja, allelúja.**

**✠. Joan. 15.** Ego vos elégi de mundo,  
ut eátis, & fructum afferátis : & fru-  
ctus vester máneat. **Allelúja.**

**Sequéntia** sancti Evangélíi secúndum  
Lucam. **Lucæ 9.**

**I**N illo témpore: Convocáti JESUS  
duódecim Apóstolis, dedit illis vir-  
tútem & potestátem super ómnia dæ-  
mónia, & ut languóres curárent. Et  
misit illos prædicáre regnum DEI, &  
sanáre infirmos. Et ait ad illos: Nihil  
tuléritis in via, neque virgam, neque  
peram, neque panem, neque pecú-  
niam, neque duas túnicas habeátis.  
Et in quamcúmque domum intravé-  
ritis, ibi manéte, & inde ne exeátis.  
Et quicúmque non recepérint vos :  
exeúntes de civitáte illa étiam púlve-  
rem pedum vestrórum excúтите in te-  
stimonium supra illos. Egréssi autem  
circuibant per castélla evangelizantes  
& curántes ubique.

**Credo.**

**Offertorium. Psal. 13.** In omnem  
terram exivit sonus eórum : & in fines  
orbis terræ verba eórum.

**Secreta.**

**G**Lóriam, Dómine, Sanctorum  
Apostolorum tuorum perpé-  
tuam in eórum divisióne recenséntes,  
quæsumus, ut eam sacris mystériis ex-  
piáti, dignius celebrémus. Per Dómi-  
num nostrum.

**Præfatio de Apostolis.**

**Communio. Matth. 19.** Vos qui  
secúti estis me, sedébitis super sedes, ju-  
dicántes duódecim tribus Israhel.

**Postcommunio.**

**P**ercéptis, Dómine, Sacraméntis sup-  
pliciter exorámus : ut intercedén-  
tibus beátis Apóstolis tuis, quæ pro  
illórum veneránda gérimus comme-  
moratióne, nobis proficiant ad medé-  
lam. Per Dóminum.

*Die xxiv. Julii.*

**In Festo S. Christinæ Virginis & Mar-  
tyris, Missa. Me expectavérunt.  
de Comuni Virginum & Marty-  
rum. fol. xxvi.**

**Et fit commemoratio Vigilæ sancti  
Jacobi, nisi sit Patrona, vel Titula-  
ris Ecclesiæ.**

**F E S T A A U G U S T I.**

*Die xxvi. Augusti.*

**I N F E S T O**

**Sancti Hyacinthi Confessoris.**

**Introitus. Psal. 36.**



**S** i iusti meditábitur sa-  
piéntiam, & lingua  
ejus loquétur judi-  
cium : lex DEI ejus  
in corde ipsius.

**Psal. ibid.** Noli æmu-  
lári in malignántibus : neque zeláveris fa-  
ciéntes iniquitátem.

**✠. Glória Patri.**

**Oratio.**

**A** Désto Dómine supplicatióibus  
nostris, quas in beáti Hyacinthi

Con-



Confessoris tui solemnitate deferimus : ut, qui nostræ justitiæ fiduciam non habemus, ejus, qui tibi placuit, precibus adjuvemur. Per Dominum.

**Vel Oratio.**

**D**EUS, qui beatum Hyacinthum Confessorem tuum, in diversis nationum populis operum sanctitate, & miraculorum gloria fecisti conspicuum: da nobis, ut suis in melius reformemur exemplis, & in adversis protegámur auxiliis. Per Dominum.

**Secunda Oratio de Octava Assumptionis B. Mariæ.** Famulorum tuorum.

**Tertia Oratio, de Octava S. Laurentii.** Da nobis.

**Lectio** Epistolæ beati Pauli Apostoli ad Corinthios. **1. Cor. 4. b**

**F**Ratres : Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur & obsecramus: tamquam purgamenta hujus mundi facti sumus, omnium peripséma usque adhuc. Non ut confundam vos, hæc scribo, sed ut filios meos charissimos moneo. In Christo JESU Domino nostro.

**Graduale. Psal. 91.** Justus ut palma florebit: sicut cedrus Libani multiplicabitur in domo Domini.

**Y.** Ad annuntiandum manè misericordiam tuam, & veritatem tuam per noctem. **Allelúja, allelúja.**

**Y. Jac. 1.** Beatus vir, qui suffert tentationem: quoniam cum probatus fuerit, accipiet coronam vitæ. **Allelúja.**

**Sequentia sancti Evangelii secundum ucam. Lucæ 12. c**

**I**N illo tempore: Dixit JESUS discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dominum suum quando revertatur à nuptiis; ut cum venerit, & pulsaverit, confestim aperiant ei. Beati servi illi, quos cum venerit dominus, invenerit vigilantes: amen dico vobis, quod præcinget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet.

**Offertorium.** Veritas mea, & misericordia mea cum ipso: & in nomine meo exaltabitur cornu ejus.

**Secreta.**

**P**Ræsta nobis, quæsumus omnipotens DEUS: ut nostræ humilitatis oblatio, & pro tuorum tibi grata sit honore Sanctorum, & nos corpore pariter & mente purificet. Per Dominum nostrum JESUM Christum Filium tuum.

**Communio. Matth. 24.** Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

**Postcommunio.**

**Q**Uæsumus omnipotens DEUS: ut, qui coelestia alimenta percipimus, intercedente beato Hyacintho Confessore tuo, per hæc contra omnia adversa muniamur. Per Dominum nostrum JESUM Christum Filium tuum: Qui tecum vivit & regnat in unitate Spiritus sancti DEUS



*Die xix. Augusti.*

## IN F E S T O

S. Benignæ Virginis &amp; Martyris.

Introitus. Psal. 118.



Oquebar in testimoniis  
tuis in conspectu re-  
gum, & non con-  
fundebam: & medi-  
tabar in mandatis  
tuis, quæ dilexi ni-  
mis. *Psal. ibid.* Beati immaculati in  
via: qui ambulant in lege Domini.

✠. Gloria Patri.

Oratio.

**D**EUS, qui inter cætera potentia  
tuæ miracula, etiam in sexu frã-  
gili victoriam martyrii contulisti: con-  
cede propitius; ut, qui beatæ Benig-  
næ Virginis & Martyris tuæ natalitia  
colimus, per ejus ad te exempla gra-  
diamur. Per Dominum.

*Epistola.* Confitebor tibi Domine  
Rex. de *Communi Virginis & Mar-  
tyris.* fol. xxv.

*Graduale.* Psal. 45. Aduvabit eam  
DEUS vultu suo: DEUS in medio ejus,  
non commovebitur. ✠. Fluminis im-  
petus lætificat civitatem DEI: sanctifi-  
cavit tabernaculum suum Altissimus.  
Allelûja, allelûja. ✠. Psal. 44. Addu-  
centur Regi Virgines post eam, prõxi-  
mæ ejus afferentur tibi in lætitia.  
Allelûja.

*Evangelium.* Simile erit regnum  
coelorum decem Virginibus. de *Com-  
muni Virginis & Martyris.* fol. xxv.

*Offertorium.* ibid. Diffusa est grã-  
tia in labiis tuis, propterea benedixit  
te DEUS in æternum, & in sæculum  
sæculi.

Secreta.

**S**uscipe Domine mûnera, quæ in  
beatæ Benignæ Virginis & Marty-  
ris tuæ solemnitate deferimus, cujus  
nos confidimus patrocínio liberari.  
Per Dominum nostrum.

*Communio.* Matth. 25. Quinque  
prudentes Virgines acceperunt oleum  
in vasis suis cum lampadibus: média

autem nocte clamor factus est, ecce  
sponsus venit, exite obviam Christo  
Domino. *Postcommunio.*

**A**uxiliéntur nobis, Domine, sum-  
pta mystéria: & intercedente  
beatá Benigna Virgine & Mártire tua,  
sempiterna faciant protectióne gaudé-  
re. Per Dominum.

*Die xxix. Augusti.*

## IN F E S T O

Sanctæ Sabinæ Martyris.

Introitus. Psal. 118.



Expectaverunt pecca-  
tores, ut perderent  
me: testimonia tua  
Domine intellexi, om-  
nis consummationis  
vidi finem: latum  
mandatum tuum nimis.

*Psal. ibid.* Beati immaculati in via:  
qui ambulant in lege Domini.

✠. Gloria Patri.

Oratio.

**D**EUS, qui inter cætera potentia  
tuæ miracula, etiam in sexu frã-  
gili victoriam Martyrii contulisti:  
concede propitius; ut, qui beatæ Sa-  
binæ Martyris tuæ natalitia colimus,  
per ejus ad te exempla gradiamur.  
Per Dominum nostrum.

*Epistola.* Confitebor tibi Domine  
Rex. ut in *Communi Martyris non  
Virginis.* fol. xxxi.

*Graduale.* Psal. 44. Dilexisti justí-  
tiam, & odisti iniquitatem. ✠. Pro-  
pterea unxit te DEUS, DEUS tuus,  
oleo lætitia. Allelûja, allelûja.

✠. Spécie tua, & pulchritudine tua,  
intende, prospere procede, & regna.  
Allelûja.

*Evangelium.* Simile est regnum coe-  
lorum thesauro abscondito in agro.  
de *eodem Communi.* fol. xxxi.

*Offertorium.* Diffusa est grãtia in  
labiis tuis, propterea benedixit te  
DEUS in æternum, & in sæculum sæ-  
culi, allelûja.

Secre-



**Secreta.**

**H**ostias tibi Dómine, beátæ Sabinae Mártiris tuæ dicátas méritis, benignus asúme: & ad perpétuum nobis tribue provenire subsidium. Per Dñm.

**Communio. Psal. 118.** Principes persecúti sunt me gratis, & à verbis tuis formidávit cor meum: lætabor ego super elóquia tua, quasi qui invénit spólia multa.

**Postcommunio.**

**D**ivini múnneris largitáte satiáti, quæsumus Dómine DEUS noster: ut intercedente beáta Sabina Mártire tua, in ejus semper participatióne vivámus. Per Dóminum.

**FESTA SEPTEMBRIS.**

Die x. Septembris.

**IN FESTO****Sancti Dalmatii Martyris.****Introitus. Psal. 20.**

**I**n virtúte tua, Dómine, lætábitur justus: & super salutáre tuum exultábit vehementer: desidérium animæ ejus tribuísti ei. **Psal. ibid.**

Quóniam prævenísti eum in benedictiónibus dulcedinis: poluísti in cápite ejus corónam de lápide pretiósó.

ŷ. Glória Patri.

**Oratio.**

**O**mnípotens sempitérne DEUS, fidelium tuórum indeficiens conservátor, qui gloriósi Mártiris tui Dalmatii clarificáre dignátus es solemnitátem: exáudi preces supplicántis Ecclesiæ, & præsta, ut, quæ devótè expe- tit, eo suffragánte cónsequi mereá- tur. Per Dóminum nostrum JESUM Christum Fílium tuum.

**Epistola. Memor esto Dóminum JESUM Christum. de Comuni unius Martyris. fol. v.**

**Graduale. Psal. 20.** Glória & honóre coronásti eum. ŷ. Et constitui-

sti eum super ópera mánuum tuárum. Dómine. **Allelúja, allelúja.**

ŷ. **Joan. 8.** Qui séquitur me, non ambulat in ténebris, sed habébit lumen vitæ æternæ. **Allelúja.**

**Evangelium. Si quis vult post me venire. de Comuni unius Martyris Pontificis. fol. iii.**

**Offertorium. Psal. 20.** In virtúte tua Dómine lætábitur justus, & super salutáre tuum exultábit vehementer: desidérium animæ ejus tribuísti ei.

**Secreta.**

**M**unéribus nostris, quæsumus Dómine, precibúsque susceptis: & coeléstibus nos munda mystériis, & cleménter exáudi. Per Dóminum.

**Communio. Matth. 16.** Qui vult venire post me, abneget semetipsum: & tollat crucem suam, & sequá- tur me.

**Postcommunio.**

**R**efécti participatióne múnneris sacri, quæsumus Dómine DEUS noster: ut cujus exéquimur cultum, intercedente beáto Dalmatio Mártire tuo, sentiámus efféctum. Per Dñm.

Die xxiv. Septembris.

**IN FESTO****S. Tyrsi Martyris.****Introitus. Psalm. 63.**

Lætábitur justus in Dómino, & sperábit in eo: & laudabúntur omnes recti corde.

**Psal. ibid.** Exaudi DEUS oratióem meam, cum deprecor: à timóre inimíci éripe ánimam meam. ŷ. Glória Patri.

**Oratio.**

**O**mnípotens sempitérne DEUS, qui beátum Tyrsum pro confessi- óne nóminis tui fortem in certámine fecísti, & eum per martyrii palmam Sanctis tuis in coelis sociásti: præsta quæsumus, ut, qui martyrii sui diem ánnua devotióne recólimus, ipsius intercessi- óne in confessi- óne fidei simus



stábiles, & in bonis opéribus efficáces.  
Per Dóminum nostrum.

**Epístola.** Omne gáudium existi-  
máte. **de Communi unius Martyris.**  
fol. vi.

**Graduale.** Psal. 36. Justus cùm ce-  
ciderit, non collidétur: quia Dómi-  
nus supponit manum suam. **℣.** Tota  
die miserétur, & commodat: & se-  
men ejus in benedictióne erit. Alle-  
lúja, allelúja. **℣.** Posuisti Dómine su-  
per caput ejus coronam de lapide pre-  
tioso. Allelúja.

**Evangelium.** Nihil est opértum  
quòd non revelábitur. **de Communi**  
**unius Martyris.** fol. vi.

**Offertorium.** Psal. 8. Glória & ho-  
nóre coronásti eum: & constituísti  
eum super ópera mánuum tuárum,  
Dómine. **Secreta.**

**A** Ccépta sit in conspéctu tuo, Dó-  
mine, nostra devótio: & ejus  
nobis fiat supplicatióne salutáris, pro  
cujus solemnitáte defértur. Per Dñm.

**Communio.** Joan. 12. Qui mihi  
ministrat, me sequátur: & ubi sum  
ego, illic & minister meus erit.

**Postcommunio.**

**D**A, quæsumus Dómine DEUS no-  
ster: ut sicut tuórum com-  
memoratióne Sanctorum, temporáli gra-  
tulámur officio; ita perpétuo laté-  
mur aspéctu. Per Dóminum.

*Die xxvii. Septembris.*

I N F E S T O

**Translationis S. Stanislai Episcopi &  
Martyris.**

**Introitus.** Eccl. 45.



Tátuit ei Dóminus te-  
staméntum pacis: &  
principem fecit eum:  
ut sit illi sacerdotii  
dignitas in ætérnum.

**Psal. 131.** Memén-  
to Domine David: & omnis man-  
suetúdinis ejus. **℣.** Glória Patri.

**Oratio.**

**D**EUS, pro cujus honóre gloriósus  
Póntifex Stanisláus gládiis im-  
piórum occúbuit: præsta quæsumus;  
ut omnes, qui ejus implórant auxí-  
lium, petitiónis suæ salutárem conse-  
quántur efféctum. Per Dóminum.

**Lectio** Epístolæ beáti Pauli Apóstoli  
ad Hebræos. **Heb. 5.**

**F**Ratres, Omnis Póntifex ex homí-  
nibus assúptus pro homínibus  
constituitur in iis, quæ sunt ad Deum, ut  
ófferat dona, & sacrificia pro peccátis:  
qui condolére possit iis, qui ignórant,  
& errant: quóniam & ipse circúmda-  
tus est infirmitáte: & propterea de-  
bet, quemádmódum pro pópulo, ita  
étiam & pro semetípso offerre pro  
peccátis. Nec quisquam sumit sibi ho-  
nórem, sed qui vocátur à DEO tam-  
quam Aaron. Sic & Christus non se-  
metípsum clarificávit, ut Póntifex fie-  
ret: sed qui locútus est ad eum: Fí-  
lius meus es tu, ego hódie genui te.  
Quemádmódum & in álio loco dici-  
tur: Tu es Sacerdos in ætérnum, se-  
cúndum órduem Melchisedech.

**Graduale.** Eccl. 44. Ecce Sacerdos  
magnus qui in diébus suis plácuit Deo.  
**℣.** Non est invéntus similis illi, qui  
conserváret legem Excélsi.

Allelúja, allelúja. **℣.** Joan. 10. Ego  
sum pastor bonus: & cognóscó oves  
meas: & cognóscunt me meæ.  
Allelúja.

**Sequéntia sancti Evangelii secúndum  
Joánnem.** **Joan. 10.**

**I**N illo témpore: Dixit JESUS Phari-  
sæis: Ego sum Pastor bonus. Bo-  
nus pastor ánimam suam dat pro óvi-  
bus suis. Mercenárius autem, & qui  
non est Pastor, cujus non sunt oves  
própriæ, videt lupum veniéntem, &  
dimittit oves, & fugit: & lupus rapit,  
& dispérgit oves: mercenárius autem  
fugit, quia mercenárius est, & non  
pértinet ad eum de óvibus. Ego sum

Pastor



pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus Pastor. **Credo.**

**Offertorium. Psalm. 20.** Posuisti Domine in capite ejus coronam de lapide pretioso: vitam petiit à te, & tribuisti ei. Allelúja.

**Secreta.**

**M**Unera tibi Domine dicata sanctifica: & intercedente beato Stanislao Martyre tuo atque Pontifice, per eadem nos placatus intende. Per Dominum nostrum.

**Communio. Joan. 10.** Ego sum Pastor bonus, allelúja: & cognosco oves meas, & cognoscunt me meæ, allelúja, allelúja.

**Postcommunio.**

**H**æc nos communio, Domine, purget à crimine: & intercedente beato Stanislao Martyre tuo atque Pontifice, coelestis remedii faciat esse consortes. Per Dominum.

*Die xxviii. Septembris.*

**I N F E S T O**

**Sancti Wenceslai Martyris.**

**Introitus. Psalm. 63.**



Lætabitur justus in Domino, & sperabit in eo: & laudabuntur omnes recti corde.

**Psalm. ibid.** Exaudi DEUS orationem meam cum deprecor: à timore inimiciripe animam meam.

**Gloria Patri.**

**Oratio.**

**D**EUS, qui beati Wenceslai nobilitatem in meliorem mutasti dignitatem, & eum per Martyrii palmam ad coelestem perduxisti gloriam: ejus precibus nos, quæsumus, ab omni adversitate libera, & æternæ beati-

tudinis concede perfrui gloria. Per Dominum nostrum.

**Lectio Epistolæ beati Petri Apostoli.**

**1. Petri 4. c**

**C**harissimi, Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis DEI, & qui est ejus Spiritus, super vos requiescit. Nemo autem vestrum patiatur ut homicida, aut fur, aut maledicus, aut alienorum appetitor. Si autem ut Christianus, non erubescat: glorificet autem DEUM in isto nomine. Quoniam tempus est, ut incipiat judicium à domo DEI. Si autem primum à nobis: quis finis eorum, qui non credunt DEI Evangelio? Et si justus vix salvabitur, impius & peccator ubi parabunt? Itaque & hi, qui patiuntur secundum voluntatem DEI, fideli Creatori commendent animas suas in benefactis.

**Graduale. Psalm. 66.** Justus cum ceciderit, non collidetur: quia Dominus supponit manum suam. **Y.** Tota die miseretur, & commodat: & semen ejus in benedictione erit.

**Allelúja, allelúja. Y.** Qui sequitur me, non ambulat in tenebris: sed habebit lumen vitæ æternæ. Allelúja.

**Sequentia sancti Evangelii secundum Matthæum. Matth. 16. d**

**I**n illo tempore: Dixit JESUS discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perderit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim ho-



minis venturus est in gloria Patris sui cum Angelis suis : & tunc reddet unicuique secundum opera eius.

**Credo.**

**Offertorium. Psal. 20.** Posuisti Domine super caput eius coronam de lapide pretioso : vitam petiit à te, & tribuisti ei. **Secreta.**

**A**ccepta sit in conspectu tuo, Domine, nostra devotio : & ejus nobis fiat supplicatione salutaris, pro cuius solemnitate defertur. Per Dominum nostrum.

**Communio. Joan. 12.** Qui mihi ministrat, me sequatur : & ubi sum ego, illic & minister meus erit.

**Postcommunio.**

**R**efecti participatione muneris sacri, quaesumus Domine DEUS noster : ut cuius exequimur cultum, intercedente beato Wenceslao Martyre tuo, sentiamus effectum. Per Dominum nostrum.

## FESTA OCTOBRI.

*Die x. Octobris.*

### IN FESTO

**S. Gereonis & Sociorum Martyrum.**

**Introitus. Psal. 33.**



Clamaverunt justii, & Dominus exaudivit eos : & ex omnibus tribulationibus eorum liberavit eos. **Psal. ibid.** Benedicam Dominum in omni tempore : semper laus ejus in ore meo.

**Glória Patri.**

**Oratio.**

**D**EUS, qui hunc diem martyrum tuorum Gereonis sociorumque ejus passione consecrasti : presta quaesumus ; ut eorum suffragia apud te sentiamus in coelis, quorum hic solemnitas pio amore veneramur in terris. Per Dominum nostrum JESUM Christum Filium tuum.

**Lectio libri Apocalypsis beati Joannis Apóstoli. Apoc. 7. c**

**I**n diebus illis : Respondit unus de senioribus, & dixit mihi : Hi, qui amicti sunt stolis albis, qui sunt ? & unde venerunt ? Et dixi illi. Domine mi, tu scis. Et dixit mihi : Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni. Ideo sunt ante thronum DEI, & serviunt ei die ac nocte in templo ejus : & qui sedet in throno, habitabit super illos. Non esurient, neque sitient amplius, nec cadet super illos sol, neque ullus aestus : quoniam Agnus, qui in medio throni est, reget illos, & deducet eos ad vitae fontes aquarum, & absterget DEUS omnem lacrymam ab oculis eorum.

**Graduale. Psal. 78.** Vindica Domine sanguinem sanctorum tuorum, qui effusus est. **Psal. 67.** Justii epulentur, & exultent in conspectu DEI : & delectentur in laetitia. Allelúja, allelúja.

**Sequentia sancti Evangelii secundum Lucam. Luca 6. c**

**I**n illo tempore : Descendens JESUS de monte, stetit in loco campetri. & turba discipulorum ejus, & multitudo copiosa plebis ab omni Judaea, & Jerúsalem, & marítima, & Tyri, & Sydonis, qui venerant ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quaerebat eum tangere : quia virtus de illo exibat, & sanabat omnes. Et ipse elevatis oculis in discipulos suos, dicebat : Beati pauperes : quia vestrum est regnum DEI. Beati, qui nunc esuritis : quia saturabimini. Beati, qui nunc fletis : quia ridebitis. Beati eritis cum vos oderint homines, & cum separaverint

rint



rint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra, multa est in coelis.

**Offertorium, Psalm. 149.** Exultabunt sancti in gloria, lætabuntur in cubilibus suis: exaltationes DEI in faucibus eorum, allelúja. **Secreta.**

**M**Unera tibi, Dómine, nostræ devotionis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dóminum.

**Communio, Psal. 78.** Posuerunt mortalia servorum tuorum Dómine escas volatilibus cœli: carnes sanctorum tuorum bestiis terræ: secundum magnitudinem brachii tui posside filios morte punitorum.

**Postcommunio.**

**D**EUS, qui nos & cœlestibus pascere Sacramentis, & sanctorum Martyrum tuorum Gereonis sociorumque ejus non desinis fovere suffragiis: præsta quæsumus; ut, quod illis ad gloriâ contulisti, ad nostræ profectus fragilitatis auxiliû. Per Dóminum.

*Die xv. Octobris.*

**I N F E S T O**

**Sanctæ Hedvvigis Viduæ.**

**Intrôitus.**



Audeamus omnes in Dómino, diem festum celebrantes sub honore beætæ Hedvvigis: de cujus solemnitate gaudent Angeli, & collaudant Filium DEI.

**Psal. 44.** Eructavit cor meum verbum bonum: dico ego ópera mea Regi.

**G.** Gloria Patri.

**Oratio.**

**D**EUS grátiae dator & glóriæ, tuæ nobis propítius sensum pietátis aperi, & præsta: ut, qui manentem civitatem hîc non habemus, ad futu-

ram quam quærimus beætæ Hedvvigis interveniente suffragio, perducámur. Per Dóminum nostrum.

**Lectio libri Sapientiae. Prov. 31.**

**M**ulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum, omnibus diebus vitæ suæ. Quæsit lanam & linum, & operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit quia bona est negotiatio ejus: non extinguetur in nocte lucerna ejus. Manum suam misit ad fortia, & digitus ejus apprehenderunt furtum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chananæo. Fortitudo & decor indumentum ejus, & ridebit in die novissimo. Os suum aperuit sapientiæ: & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt: vir ejus, & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dóminum, ipsa laudabitur. Date ei de fructu manuum suarum: & laudent eam in portis ópera ejus.



**Graduale. Psal. 44.** Diffusa est gratia in labiis tuis: propterea benedixit te DEUS in ætérnum. *℣.* Propter veritatem, & mansuetudinem, & iustitiam: & deducet te mirabiliter dextera tua. **A**llelúja, allelúja.

*℣. ibid.* Spécie tua, & pulchritudine tua, inténde, prospère procéde, & regna. **A**llelúja.

**S**equéntia sancti Evangélii secúndum Matthæum. **Matth. 13. f**

**I**N illo témpore: Dixit JESUS discipulis suis parabolam hanc: Simile est regnum cœlórum thesauro abscondito in agro, quem qui invenit homo, abscondit, & præ gaudio illius vadit, & vendit univérſa, quæ habet, & emit agrum illum. Iterum simile est regnum cœlórum hómini negotiátóri quærénti bonas margarítas. Inventa autem una pretióſa margaríta, abiit, & vendidit ómnia, quæ hábuit, & emit eam. Iterum simile est regnum cœlórum sagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras miserunt. Sic erit in consummatione sæculi: exhibunt Angeli, & separábunt malos de médio iustórum, & mittent eos in camínium ignis: ibi erit fletus, & stridor déntium. Intellexístis hæc ómnia? Dicunt ei: Etiam. Ait illis: Ideò omnis scribe doctus in regno cœlórum, similis est hómini patrifamílias, qui profert de thesauro suo nova & vétera. **Credo.**

**Offertorium. Psalm. 44.** Fíliæ regum in honóre tuo, ástitit regína à dextris tuis in vestitu deauráto, circumdata varietáte. **Secreta.**

**A**Ccepta tibi sit, Dómine, sacrátæ plebis oblátio, pro tuórum honóre Sanctórum: quorum se méritis de tribulatione percepisse cognóscit auxílium. Per Dóminum.

**Communio. ibid.** Diffusa est gratia in labiis tuis, propterea benedixit te DEUS in ætérnum.

**Postcommunio.**

**S**umpta, quæsumus omnipotens DEUS, hóstia salutáris ab advérsis nos ómnibus tueátur incúrſibus: & post hujus labóres exílii, beátæ Hedvvigis interveniéntibus méritis, ducat ad réquiem opuléntam. Per Dóminum nostrum.

*Die xx. Octobris.*

**I N F E S T O**

**Translationis S. Adalberti Episcopi & Martyris.**

**Introitus. Eccli. 45.**



Tátuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum.

**Psal. 131.** **Memento** Dómine David, & omnis mansuetudinis ejus. *℣.* Glória Patri.

**Oratio.**

**T**uam nobis indulgéntiam, quæsumus Dómine, beátus Adalbértus Episcopus & Martyr implóret: ut & delicta nobis cleménter ignóscas, & beneficia desideráta concédas. Per Dóminum nostrum.

**Lectio** Epístolæ beáti Pauli Apóstoli ad Corínthios, **2. Cor. 1.**

**F**Ratres, Benedíctus DEUS & Pater Dómini nostri JESU Christi, Pater misericordiárum, & DEUS totíus consolatiónis, qui consolátur nos in omni tribulatione nostra: ut possímus & ipsi consolári eos, qui in omni pressúra sunt, per exhortatióem, qua exhortámur & ipsi à DEO. Quóniam sicut abundant passióes Christi in nobis: ita & per Christum abundat consolátio nostra Sive autem tribulamur pro vestra exhortatióne & salúte, sive consolámur pro vestra consolatióne, sive exhortámur pro vestra exhortatióne

tióne



tióne & salúte, quæ operátur tolerántiam earúmdem passiónum, quas & nos pátimur: ut spes nostra firma sit pro vobis: sciéntes, quòd, sicut sócii passiónum estis, sic éritis & consolatiónis: in Christo JESU Dómino nostro.

**Graduale. Psalm. 88.** Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. **ŷ.** Nihil proficiet inimícus in eo, & filius iniquitátis non nocébit ei. **Allelúja, allelúja.**

**ŷ. Psalm. 109.** Tu es Sacerdos in ætérnum, secúndum órđinem Melchisedech. **Allelúja.**

**Sequéntia sancti Evangélíi secúndum Lucam. Lucæ 24.**

**I**N illo témpore: Dixit JESUS turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quis enim ex vobis volens turrim ædificáre, non prius sedens cóputat sumptus, qui necesárii sunt, si hábeat ad perficiéndum: ne, posteaquam posúerit fundaméntum, & non potúerit perficere, omnes qui vident, incipiant illúdere ei, dicéntes: Quia hic homo coepit ædificáre, & non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem míllibus occurrere ei, qui cum viginti míllibus venit ad se? alióquin, adhuc illo longè agente, legatiónem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discipulus. **Credo.**

**Offertorium. Psalm. 20.** Posuisti Dómine in cápite ejus corónam de lá-

pide pretióso: vitam pétiiit à te, & tribuísti ei. **Allelúja.**

**Secreta.**

**S**Acrificium exhibítum, quæsumus Dómine, benignus asúme: ut, quod nómini tuo in solemnitáte (vel commemoratióne) beáti Adalbérti Mártiris tui atque Pontíficis deférimus, nobis profit ad véniam. Per Dóminum nostrum.

**Communio. Psal. 88.** Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfécta in ætérnum: & testis in coelo fidélis.

**Postcommunio.**

**R**efécti Dómine munéribus sacris, súpplices te deprecámur; ut indulgéntiam tuam nobis intercésio beáti Adalbérti Mártiris tui atque Pontíficis semper implóret. Per Dóminum nostrum.

*Die xxi. Octobris.*

**I N F E S T O**

**Sanctæ Ursulæ & Sociarum.**

**Introitus.**



Audeámus omnes in Dómino, diem festum celebrántes sub honóre úndecim míllium Vírginum: de quarum passióne gaudent Angeli, & colláudant Fílium DEI. **Psal. 32.** Exultáte justí in Dómino: rectos decet collaudátio.

**ŷ.** Glória Patri.

**Oratio.**

**D**A nobis, quæsumus Dómine DEUS noster, sanctárum Vírginum & Mártýrum tuárum Ursulæ & sociárum ejus palmas, incessábili devotióne venerári: ut quas digna mente non pössumus celebráre, humílibus saltem frequentémus obséquíis. Per Dóminum nostrum JESUM Christum Fílium tuum.

**Pro**



**Pro commemoratione sancti Hilari-  
onis Abbatis. Oratio.**

**I**Ntercessio nos, quæsumus Dómine,  
beati Hilariónis Abbátis commén-  
det: ut, quod nostris méritis non va-  
lémus, ejus patrocínio assequámur.  
Per Dóminum nostrum JESUM Chri-  
stum Filium tuum.

**L**ectio Epístolæ beati Pauli Apóstoli  
ad Corínthios. **1. Cor. 7. c.**

**F**Ratres, De virgínibus præceptum  
Dómini non hábeo: consílium  
autem do, tamquam misericórdiam  
consecútus à Dómino, ut sim fidélis.  
Existimo ergo hoc bonum esse pro-  
pter instántem necessitátem, quóniam  
bonum est hómini sic esse. Alligátus  
es uxóri? noli quærere solutiónem.  
Solútus es ab uxóre? noli quærere  
uxórem. Si autem accéperis uxórem,  
non peccásti. Et si núpserit virgo, non  
peccávit. Tribulatiónem tamen car-  
nis habébunt hujúsmodi. Ego autem  
vobis parco. Hoc itaque dico, fratres:  
Tempus breve est: réliquum est, ut  
& qui habent uxóres, tamquam non  
habéntes sint: & qui flent, tamquam  
non flentes: & qui gaudent, tam-  
quam non gaudentes: & qui emunt,  
tamquam non possidentes: & qui  
utúntur hoc mundo, tamquam non  
utántur: præterit enim figúra hujus  
mundi. Volo autem vos sinè sollicitú-  
dine esse. Qui sinè uxóre est, solícitus  
est, quæ Dómini sunt, quómodo plá-  
ceat DEO. Qui autem cum uxóre est,  
solícitus est, quæ sunt mundi, quómo-  
do pláceat uxóri, & divísus est. Et  
múlier innúpta, & virgo, cógitat quæ  
Dómini sunt; ut sit sancta corpore &  
spíritu: in Christo JESU Dómino no-  
stro.

**Graduale. Psal. 149.** Exultábunt  
sancti in glória: lætabúntur in cubíli-  
bus suis. **Ps.** Cantáte Dómino cánti-  
cum novum: laus ejus in Ecclesiá san-  
ctorum. **A**llelúja, allelúja.

**Ps. 44.** Adducentur Regi vírgines  
post eam: próximæ ejus afferéntur tibi  
in lætítia. **A**llelúja.

**S**equéntia sancti Evangélíi secúndum  
Matthæum. **Matth. 65.**

**I**N illo témpore: Dixit JESUS discipu-  
lis suis parábolam hanc: Símile  
erit regnum coelórum decem virgíni-  
bus: quæ accipiéntes lámpades suas,  
exiérunt óbviám sponso, & sponsæ.  
Quinque autem ex eis erant fátuæ, &  
quinque prudéntes: sed quinque fá-  
tuæ accéptis lampádibus, non sum-  
pserunt óleum secum: prudéntes ve-  
rò acceperunt óleum in vasis suis cum  
lampádibus. Moram autem faciente  
sponso, dormitavérunt omnes, & dor-  
miérunt. Média autem nocte clamor  
factus est: Ecce sponsus venit, exíte  
óbviám ei. Tunc surrexérunt omnes  
vírgines illæ, & ornavérunt lámpades  
suas. Fátuæ autem sapiéntibus dixé-  
runt: Date nobis de óleo vestro: quia  
lámpades nostræ extinguúntur. Re-  
spondérunt prudéntes, dicéntes: Ne  
fortè non sufficiat nobis, & vobis, ite  
pótius ad vendéntes, & émite vobis.  
Dum autem irent émere, venit spon-  
sus: & quæ parátæ erant, intravérunt  
cum eo ad nuptias, & clausa est jánu-  
a. Novíssimè verò véniunt, & reliquæ  
vírgines, dicéntes: Dómine, Dómine,  
áperi nobis. At ille respóndens, ait:  
Amen dico vobis, nescio vos. Vigi-  
late itaque, quia nescitis diem, nequè  
horam. **C**redo.

**Offertorium. Psalm. 44.** Afferén-  
tur Regi vírgines post eam: próximæ  
ejus afferéntur tibi.

**Secreta.**

**I**Ntende, quæsumus Dómine, mune-  
ra, altáribus tuis pro sanctárum vír-  
ginum & mártýrum tuárum Ursulæ,  
& sociarum ejus festivitáte propósita:  
ut sicut per hæc beáta mystéria illis  
glóriam contulísti, ita nobis indulgén-  
tiam largiáris. Per Dóminum.

**Pro**



Pro comemoratione sancti Hilarionis.  
Secreta.

**S**acris altaribus, Domine, hostias superpositas sanctus Hilarion Abbas, quaesumus, in salutem nobis provenire deposcat. Per Dominum.

**Communio. Matth. 25.** Quinque prudentes Virgines acceperunt oleum in vasis suis cum lampadibus: media autem nocte clamor factus est, Ecce sponsus venit, exite obviam Christo Domino.

## Postcommunio.

**P**raesta nobis, quaesumus Domine, intercedentibus sanctis virginibus & martyribus tuis, ut, quod ore contingimus, pura mente capiamus. Per Dominum nostrum.

## Pro comemoratione sancti Hilarionis Abbatis. Postcommunio.

**P**rotegat nos, Domine, cum tui perceptione sacramenti beatus Hilarion Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

## FESTA NOVEMBRIS.

Die xii. Novembris.

## IN FESTO

SS. Martyrum quinque Fratrum Polonorum.

Introitus. Psal. 33.

**M**ultae tribulationes iustorum, & de his omnibus liberavit eos Dominus: Dominus custodit omnia ossa eorum: unum ex his non conteretur.

**Psalm. ibid.** Benedicam Dominum in omni tempore: semper laus ejus in ore meo. **V.** Gloria Patri.

## Oratio.

**S**anctorum nos, quaesumus Domine martyrum tuorum, Benedicti,

Joannis, Matthaei, Isaaci, atque Christi gloriola hodierna die trophaea laetificent: quatenus eorum interventione, ad illam perveniamus hereditatem, in qua iidem felices Angelorum coetibus aggregati, tuae semper majestatis perfruuntur ineffabili claritate. Per Dominum nostrum.

Lectio libri Sapientiae. Eccl. 44.

**H**i viri misericordiae sunt, quorum pietates non defuerunt: cum semine eorum permanent bona, hereditas sancta nepotes eorum, & in testamentis stetit semen eorum: & filii eorum propter illos in aeternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum vivit in generationem & generationem. Sapientiam ipsorum narrent populi & laudem eorum nuntiet omnis Ecclesia.

**Graduale. Psal. 132.** Ecce quam bonum & quam jucundum, habitare fratres in unum. **V.** Sicut unguentum in capite, quod descendit in barbam, barbam Aaron. **Alleluja, alleluja. V.** Haec est vera fraternitas, quae vicit mundi crimina: Christum secuta est, inclyta tenens regna coelestia. **Alleluja.**

Sequentia sancti Evangelii secundum Lucam. **Lucæ 12.**

**I**n illo tempore: Dixit JESUS discipulis suis: Attendite a fermento Phariseorum, quod est hypocrisis. Nihil autem opertum est, quod non reveletur: neque absconditum, quod non sciatur. Quoniam quae in tenebris dixistis, in lumine dicentur: & quod in aurem locuti estis in cubiculis, praedicabitur in tectis. Dico autem vobis amicis meis: Ne terreamini ab his qui occidunt corpus, & post haec non habent amplius quid faciant. Ostendam autem vobis, quem timeatis: timeate eum, qui postquam occiderit, habet potestatem mittere in gehennam. Ita

dico



dico vobis, hunc timete. Nónne quinque pásseres vaneunt dipóndio, & unus ex illis non est in oblivióne coram DEO? sed & capilli cápitis vestri omnes numeráti sunt. Nolíte ergo timere: multis pásseribus pluris estis vos. Dico autem vobis: Omnis quicumque conféssus fúerit me coram homínibus, & Fílius hóminis confitébitur illum coram Angelis DEI.

**Credo.**

**Offertorium. Psal. 5.** Gloriabúntur in te omnes qui díligunt nomen tuum, quóniam tu Dómine benedíces justo: Dómine, ut scuto bonæ voluntátis tuæ coronásti nos.

**Secreta.**

**H**ostias tibi Dómine sanctórum mártýrum tuórum dicátas méritis benígnus assúme: & ad perpétuum nobis tribue proveníre subsidium. Per Dóminum.

**Communio. Sap. 5.** Et si coram homínibus torménta pássi sunt, DEUS tentávit eos: & tamquam aurum in fornáce probávit eos, & quasi holocausta accépit eos.

**Postcommunio.**

**S**umpsimus Dómine sanctórum mártýrum tuórum, Benedícti, Joánnis, Matthæi, Isaáci, atque Christi solémnia celebrántes, Sacraménta coeléstia: præsta quæsumus, ut, quod temporaliter gérimus, ætérnis gaudiis consequámur. Per Dóminum nostrum JESUM Christum Fílium tuum.

*Die xix. Novembris.*

**IN FESTO**

**S. Elisabeth Viduæ. Introitus.**



Audeámus omnes in Dómino, diem festum celebrántes sub honóre beátæ Elisabeth: de cujus sollemnitate gaudent Angeli, & colláudant Fílium DEI.

**Psal. 44.** Eructávit cor meum verbum bonum: dico ego ópera mea Regi. **Y.** Glória Patri.

**Oratio.**

**T**Uórum corda fidélium DEUS miserátor illústra: & beátæ Elisabeth précibus gloriósis fac nos próspere mundi despícere & coelésti semper consolatióne gaudere. Per Dóminum nostrum JESUM Christum Fílium tuum.

**Léctio libri Sapiéntiæ. Prov. 13. b**

**M**ulíerem fortem quis invéniet? procul, & de últimis finibus pretium ejus. Confidit in ea cor viri sui, & spóliis non indigébit. Reddet ei bonum, & non malum, ómnibus diébus vitæ suæ. Quæsívit lanam & linum, & operáta est consílio mánuum suarum. Facta est quasi navis institoris, de longe portans panem suum. Et de nocte surrexit, deditque prædam domésticis suis, & cibária ancillis suis. Considerávit agrum, & emit eum: de fructu mánuum suarum plantávit vineam. Accínxit fortitúdine lumbos suos, & roborávit bráchium suum. Gustávit & vidit quia bona est negotiatio ejus: non extinguetur in nocte lucérna ejus. Manum suam misit ad fórtia, & dígití ejus apprehendérunt fustum. Manum suam apéruit inopi, & palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestiti sunt duplicibus. Stragulatam vestem fecit sibi: byffus, & púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, & véndidit, & cingulum trádedit Chananæo. Fortitúdo & decor indumentum ejus, & ridébit in die novíssimo. Os suum apéruit sapiéntiæ: & lex cleméntiæ in lingua ejus. Considerávit sémitas domus suæ, & panem otíosa non comédit. Surrexérunt filii ejus, & beatíssi-

mam



mam prædicaverunt, vir ejus, & laudavit eam. Multæ filiæ congregaverunt divitias: tu supergressa es universas. Fallax grátia, & vana est pulchritudo: mulier timens Dóminum, ipsa laudabitur. Date ei de fructu manuum suarum: & laudent eam in portis ópera ejus.

**Graduale. Psal. 44.** Diffusa est grátia in lábiis tuis: propterea benedixit te DEUS in ætérnum. *ψ.* Propter veritatem, & mansuetudinem, & justitiam: & deducet te mirabiliter dextera tua. Allelúja, allelúja.

*ψ. Ibid.* Spécie tua, & pulchritudine tua, inténde, prospere procéde, & regna. Allelúja.

**Sequéntia sancti Evangelii secúndum Matthæum. Matth. 13. f**

**I**N illo témpore: Dixit JESus discipulis suis parabolam hanc: Simile est regnum coelorum thesauro abscondito in agro, quem qui invenit homo, abscondit, & præ gaudio illius vadit, & vendit universa, quæ habet, & emit agrum illum. Iterum simile est regnum coelorum homini negotiatóri quærénti bonas margaritas. Inventa autem una pretiosa margarita, abiit, & vendidit omnia, quæ habuit, & emit eam. Iterum simile est regnum coelorum sagénæ missæ in mare, & ex omni génere piscium congregánti. Quam, cum impléta esset, educéntes, & secus littus sedéntes, elegerunt bo-

nos in vasa, malos autem foras miserunt. Sic erit in consumatione sæculi: exhibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in regno coelorum, similis est homini patrifamilias, qui profert de thesauro suo nova & vetera. **Credo.**

**Offertorium. Psalm. 44.** Filiæ regum in honore tuo, astitit regina à dextris tuis in vestitu deaurato, circumdata varietate.

**Secreta.**

**A**Ccepta tibi sit, Dómine, sacratæ plebis oblatio, pro tuorum honore Sanctorum: quorum se méritis de tribulatione percepisse cognoscit auxilium. Per Dóminum nostrum JESum Christum Fílium tuum: Qui tecum vivit & regnat in unitate Spíritus sancti DEUS.

**Communio. ψ. ibid.** Diffusa est grátia in lábiis tuis, propterea benedixit te DEUS in ætérnum.

**Postcommunio.**

**S**atiasti Dómine familiam tuam munéribus sacris: ejus quæsumus semper interventióne nos réfove, cujus solémnia celebrámus. Per Dóminum nostrum JESum Christum Fílium tuum: Qui tecum vivit & regnat in unitate Spíritus sancti DEUS.



**AUGUSTÆ VINDELICORUM.**

SUMPTIBUS MARTINI Veith. M. DCCXXXIX.

C

KALEN-





K A L E N D A R I U M  
**P A T R O N O R U M,**  
 E T  
**F E S T O R U M**  
 R E G N I P O L O N I Æ.

Dies M. F E S T A D E C E M B R I S.

4 **S.** Barbaræ Virginis & Martyris. Duplex. fol. 1.

F E S T A F E B R U A R I I.

1 **S.** Brigidæ Virginis. Duplex. in Ecclesia Plocensi. fol. 2.

6 **S.** Dorotheæ Virginis & Mart. Duplex. fol. 3.

7 **S.** Romualdi Abbatis. Duplex. fol. 3.

F E S T A M A R T I I.

4 **S.** Casimiri Confessoris. Duplex. cum commemoratione S. Lucii Papæ & Martyris. fol. 3.

5 Translationis S. Wenceslai Mart. Duplex. in Ecclesia Cathedrali Cracoviensi. fol. 4.

10 **SS.** Cyrilli & Methodii Confess. Pontificum. Semiduplex. in Ecclesia Cathedrali Præmishensi. fol. 5.

F E S T A A P R I L I S.

23 **S.** Adalberti Episcopi & Martyris. Duplex. fol. 6.

F E S T A M A J I.

2 **S.** Sigismundi Regis & Martyris, in Plocensi Ecclesia. Duplex. fol. 7.

4 **S.** Floriani Militis & Martyris. Duplex. cum commemoratione S. Monicæ Viduæ. fol. 8.

8 **S.** Stanislai Episcopi & Martyris. Duplex. fol. 9.

F E S T A J U N I I.

3 **S.** Erasmi Episcopi & Martyris, in Ecclesia Plocensi. Duplex. fol. 10.

F E S T A J U L I I.

13 **S.** Margaritæ Virginis & Martyris. Duplex. fol. 11.

15 Divisionis SS. Apostolorum. Duplex. fol. 11.

24 **S.** Christinæ Virginis & Martyris, in Ecclesia Plocensi. Duplex. cum commemoratione Vigiliæ S. Jacobi. nisi sit Patrona, aut Titulus Ecclesiæ. fol. 16.

F E S T A A U G U S T I.

16 **S.** Hyacinthi Confessoris. Duplex. cum commemoratione Assumptionis B. MARIE; & Octavæ S. Laurentii. fol. 12.

19 **S.** Benignæ Virginis & Martyris, in Dioecesi Uladislaviensi. Duplex. cum commemoratione Octavæ Assumptionis B. MARIE. fol. 14.

29 **S.** Sabinæ Martyris, in Ecclesia Cathedrali Fosluniensi. Duplex. fol. 14.

F E S T A





## FESTA SEPTEMBRIS.

- 10 **S. Dalmatii Martyris, in Dioecesi Uladislaviensi** Duplex. cum commemoratione Octavæ Nativitatis B. MARIE. fol. 15.  
24 **S. Tyrſi Martyris, in Dioecesi Uladislaviensi.** Duplex. fol. 15.  
27 Translationis **S. Stanislai Episcopi & Martyris.** Duplex. fol. 16.  
28 **S. Wenceslai Martyris.** Duplex. fol. 17.

## FESTA OCTOBRIS.

- 10 **SS. Gereonis & Sociorum Martyrum, in Dioecesi Gneznensi.** Duplex. fol. 18.  
15 **S. Hedvvigis Viduæ.** Duplex. fol. 19.  
20 Translationis **S. Adalberti Episcopi & Martyris.** Duplex. fol. 20.  
21 **S. Ursulæ & Sociarum Martyrum.** Duplex. cum commemoratione S. Hilarionis Abbatis. fol. 21.

## FESTA NOVEMBRIS.

- 12 **SS. Martyrum quinque Fratrum Polonorum.** Duplex. fol. 23.  
19 **S. Elisabeth Viduæ.** Duplex. cum commemoratione S. Pontiani Papæ & Martyris. fol. 24.

F I N I S





